

儀禮

冊四

1

2

3

4

5

儀禮卷八

漢大司農北海鄭玄註

明後學東吳葛彞訂

聘禮第八

聘禮

君與卿圖事

圖謀也。謀聘故及可使者。謀事者必因朝其位。君南面。卿西面。大夫北面。士東面。

遂命使者

遂猶因也。既謀其人。因命之也。聘使卿。○使所吏反下以意推之。聘

使者再拜稽首辭

辭以
不敏

君不許乃退

退反位也受
命者必進

既圖事戒上介亦如之

既已也戒猶命也已謀事乃
命上介難於使者易於介

宰命司馬戒衆介衆介皆逆命不辭

宰上卿貳君事者也諸侯謂司徒爲宰衆介者士
也士屬司馬周禮司馬之屬司士掌作士適四方

使爲介逆
猶受也

宰書幣

書聘所用幣多少也
宰又掌制國之用

命宰夫官具。

宰夫宰之屬也。命之使衆官具幣及所宜齎。

及期夕幣。

及猶至也。夕幣先行之日。夕陳幣而視之。重聘也。

使者朝服帥衆介夕。

視其事也。古文帥皆作率。

管人布幕于寢門外。

管猶館也。館人謂掌次舍帷幕者也。布幕以承幣。寢門外朝也。古文管作官。今文布作敷。

官陳幣皮北首西上。加其奉于左皮上。馬則北面奠幣于其前。

奉。所奉以致命。謂束帛及玄纁也。馬言則者。此享主用皮。或時用馬。馬入則在幕南。皮馬皆乘。古文則。○奉。爲卷。今文無。則。○乘。繩。證。反。

使者北面。衆介立于其左。東上。

也。既受行。同位。位在幕南。

卿大夫在幕東。西面北上。

者。大夫。西面。辟使。者。○辟。音。避。

宰入告具于君。君朝服出門左。南鄉。

入告。入路門而告。○鄉。許亮反。下以意求之。

史讀書展幣。

展。猶校錄也。史幕東。西面讀書。賈人坐撫其幣。每者曰。在必西面者。欲君與使者俱見之也。○賈。音。

錄後同掌
物價之官

宰執書告備具于君。授使者。使者受書授上介。

史展幣畢。以書還授宰。宰既告。
備以授使者。其受授皆北面。

公揖入。

揖禮
羣臣

官載其幣舍于朝。

待旦
行也

上介視載者。

監其安處之畢乃
出。○監古銜反。

所受書以行。

爲當復展。○爲于僞反。復扶又反。下以意求之。

厥明賓朝服釋幣于禰。

出告爲君使也。賓使者謂之賓尊之也。天子諸侯將出告羣。廣大。大夫告禰而已。凡釋幣設洗盥如祭。○

廟字

有司筵几于室中。祝先入。主人從入。主人在右再拜。

祝告又再拜。

更云主主人者。廟中之稱也。祝告告以主人將行也。

釋幣制玄纁束奠于几下出。

祝釋之也。凡物十曰束。玄纁之率。玄居三。纁居二。朝貢禮云。純四只制丈八尺。○率音律。只音紙。

主人立于戶東。祝立于牖西。

少頃之間示有俟於神

又入取幣降卷幣實于筭埋于西階東

又入者祝也埋幣必盛以器若藏之然○筭音煩器名盛音成

又釋幣于行

告將行也行者之先其古人之名未聞天子諸侯有常祀在冬大夫三祀曰門曰行曰厲喪禮有毀宗躐行出于大門則行神之位在廟門外西方不言埋幣可知也今時民春秋祭祀有行神古之遺

禮乎

遂受命

賓頌介來乃受命也言遂者明自是出不復入

上介釋幣亦如之

如其於
彌與行

上介及衆介俟于使者之門外。

俟待也。待於門
外東面北上。

使者載旻帥以受命于朝。

旻旌旗屬也。載之者所以表識其事也。周禮曰通
帛爲旻。旻又曰孤。卿建旻至於朝門。使者北面東上。

古文旻皆爲膳。
○旻之然反。

君朝服南鄉。卿大夫西面北上。君使卿進使者。

進之者使者謙不
敢必君之終使己。

使者入。及衆介隨入。北面東上。君揖使者進之。上介

立于其左。接聞命。

進之者有命宜相
近也接猶續也

賈人西面坐啓櫝取圭垂纁不起而授宰

賈人在官知物賈者纁所以藉圭也其或拜則奠于其上今文纁作纁

宰執圭屈纁自公左授使者

屈纁者斂之禮以相變爲敬也自公左贊幣之義

使者受圭同面垂纁以受命

同面者宰就使者北面竝授之既授之而君出命矣凡授受者授由其右受由其左

既述命同面授上介

述命者循君之言重失誤

上介受圭屈纁出授賈人衆介不從

賈人將行者
在門外北面

受享束帛加璧受夫人之聘璋享玄纁束帛加琮皆

如初

享獻也既聘又獻所以厚恩惠也帛今之璧色繒也夫人亦有聘享者以其與己同體為國小君也

其聘用璋取其半圭也君享用璧夫人用琮天地配合之象也圭璋特達瑞也璧琮有加往德也周

禮曰瑑圭璋璧琮以類聘
○繒自陵反瑑人轉反

遂行舍于郊

於此脫舍衣服乃即道也曲禮曰
凡為君使已受命君言不宿於家

斂旌

此行道耳未有
事也斂藏也

若過邦至于竟。使次介假道。束帛將命于朝。曰。請帥

奠幣。

至竟而假道。諸侯以國為家。不敢直徑也。將猶奉也。帥猶道也。請道己道。路所當由。○請道之道音

導

下大夫取以入告。出許。遂受幣。

言遂者。明受其幣。非為許故也。容其辭讓。不得命也。○為于偽反。

餼之以其禮。上賓大牢。積唯芻禾。介皆有餼。

凡賜人以牲。生曰餼。餼猶稟也。給也。以其禮者。尊卑有常。差也。常差者。上賓上介。牲用大牢。羣介用

少牢。米皆百筥。牲陳于門內之西北面。米設于中庭。上賓上介。致之以束帛。羣介則牽羊焉。上賓有

禾十車。芻二十車。禾以秣馬。○積子賜反。少時照反。秣音末。

士帥沒其竟。

沒。盡。

誓于其竟。賓南面上介。西面衆介。北面東上。史讀書。

司馬執筴立于其後。

此使次介假道止而誓也。賓南面專威信也。使於衆介之前北面讀書以勅告士衆爲其犯禮暴掠

也。禮。君行師從。卿行旅從。司馬主軍法者執策示罰。

未入竟。壹肄。

謂於所聘之國竟也。肄習也。習聘之威儀重失誤。

爲壝壇畫階。帷其北無宮。

壝。土象壇也。帷其北宜有所鄉依也。無宮。不壝。土畫外垣也。○壝以垂反。一以癸反。

朝服無主。無執也。

不立主人。主人尊也。不敢褻也。徒習其威儀而已。

介皆與北面西上。

入門左之位也。古文與作豫。

習享。士執庭實。

士士介也。庭實必執之者。反則有攝張之節。

習夫人之聘。享亦如之。習公事。不習私事。

公事致命者也。

及竟。張旛誓。

及至也。張旛。明事在此國也。張旛。謂使人維之。

乃謁關人。

謁告也。古者竟上爲關。以譏異服。識異言。

關人問從者幾人。

欲知聘問且爲有司當共委積之具。○從才用反。積子賜反。委積。

以介對。

伯以所與受命者對。謙也。聘禮上公之使者七介。侯伯之使者五介。子男之使者三介。以其代君交於列國。是以貴之。周禮曰。凡諸侯之卿。其禮各下其君二等。

君使士請事。遂以入竟。

請猶問也。問所爲來之故也。遂以入。因道之。

入竟。斂廬乃展。

復校錄幣重其事
斂廬變於始入

布幕賓朝服立于幕東西面介皆北面東上賈人北

面坐拭圭。

而拭清也。開側櫝幕。

遂執展之。朝享衣故衣。賈人告于士。介士介告于賓。

立持
告之
在而

上介北面視之。退復位。其南天請行反君使弔獻服。

言退復位則
視主進違位

退圭。

刺不主璋尊陳之西土又赴瑩吳之會詰其嚮城于玄戈土